

## اک غریب بیوہ نا چَندہ

# 21

<sup>1</sup> فر حضرت عیسیٰ نظراں چائی کرے تکیا کہ امیر لوک بڑے عبادت خانے نے چَندے آلے صَندُوق وِچ چَندہ پئے باہٹے سن۔ <sup>2</sup> فر اُنہاں تکیا کہ اک غریب بیوہ پیسے پیسے آلے دو سکے پئی باٹی آے۔ <sup>3</sup> اے گل تکی کرے حضرت عیسیٰ آخیا، ”واقعی، اس غریب بیوہ سارے امیر لوکاں کولوں زیادہ چَندہ اللہ تعالیٰ نے نائیں اپر دتا اے۔ <sup>4</sup> کیئانکہ امیر لوکاں تے اپنی فالتو دولت وِچوں کُجھ پیسے اللہ تعالیٰ نے نائیں اپر دتے ان۔ پر اس غریب کول تے او کُجھ ہی سی جیہڑا اس چائی دتا اے۔“

### بڑے عبادت خانے نی تباہی نی پیشنگوئی

<sup>5</sup> فر اسرح ہویا کہ حضرت عیسیٰ نے صحابیاں وِچوں کُجھ صحابی بڑے عبادت خانے نی عمارت نے بارے وِچ پئے گلاں کرنے سن کہ، ”اے کِتنی خوبصورت عمارت اے! اس وِچ لغے وے پتھر تے ہدیے نیاں چیزاں کِتیاں سوہنیاں ان!“

حضرت عیسیٰ آخیا،<sup>6</sup> ”آج جیہڑیاں عمارتاں  
 تُساں بہوں تعجب نال تکٹے او، اک دیہاڑا  
 اچھسی جس ویلے سب کجھ ٹائی دتا جاسی  
 تے اک وی پتھر اپٹی جغہ اپر ناں رہسی!“

## آخری ویلے نیاں نشانیاں

7 اے گلاں سُٹی کے صحابیاں حضرت عیسیٰ کولوں  
 پُچھیا، ”حضور، آساں کی دسو، اے سارا کجھ کڈوں  
 ہوسی تے اس نے ہوئے آلمے نیاں نشانیاں گے ہوسن؟“  
 8 حضرت عیسیٰ انہاں کی آخیا، ”یاد رُخو، کُسمے نے  
 آخرے وچ اچھی کے گمراہ ناں ہووو۔ کیئانکہ بہوں سارے  
 لوک مہاڑے نائیں اپر اچھسن تے آخسن کہ، ’میں ہی اللہ  
 تعالیٰ نے پہیجے وے مسیح آن‘ تے ’اچھٹے آلمے مسیح  
 نا ویلا آئی گیا اے‘۔ پر تُساں انہاں نے آخرے اپر ناں  
 جایا! 9 جیہڑے ویلے تُساں جنگاں تے لڑایاں نے بارے  
 وچ خبراں سُٹو، تے ڈرو ناں! انہاں گلاں نا ہونٹا لازمی  
 اے، پر اس نا مطلب اے نی کہ قیامت آئی گئی اے۔“

10 فر حضرت عیسیٰ اُنہاں کی آخیا، ”اِک مُلخ دُوئے مُلخے نال تے اِک حکومت دُوئی حکومت نال جنگ گرسی۔ 11 جغہ جغہ سخت زلزلے ہوسن، قحط ہوسن، تے بیماریاں پھیلسن۔ رَنگ پرنگی قُدرتی آفتاں آسماناں وچ ہوسن جنہاں تُوں لوک خوف زدہ ہوئی جاسن۔ 12 پر اِنہاں ساریاں گلاں نے ہوئے کولوں پہلے مہاڑی پیروی کرنے نی وجہ تُوں لوک تُساں کی پغڑی کے تنگ کرسن۔ او تُساں پر فتوے لائے واسطے اپٹے عبادت خانیاں وچ گھڑسن تے جیل وچ بند کراسن۔ او تُساں کی حاکماں تے بادشاہواں اگے پیش کرسن۔ 13 تے او موقع ہوسی جس ویلے تُساں مہاڑی گواہی وی دیئی سکسو۔ 14 اِس واسطے پہلے تُوں ہی اے گل ذہن نشین کری کہہنو کہ اپٹی صفائی پیش کرنے واسطے فِکر مند ناں ہوسو۔ 15 کیئانکہ جو کجھ تُساں کی آخٹا ہوسی، اُسے ویلے میں تُساں کی اُنہاں گلاں نی حکمت دیئی شوڑساں۔ تُساں نے دُشمن لاجواب ہوئی جاسن تے کوئی تُساں نا مُقابلہ نی کری سکن لگا۔ 16 تُساں نے سَنگی، رِشتہ دار، پَہرا تے ماں

پیؤ ہی تُساں کی پَغْرَاسِٹ۔ تے تُساں وِچوں بَعضے مَرَوائے  
 وی جاسِٹ۔ 17 مہاڑے اپر ایمان اُنھے نی وجہ تُوں ہر اک  
 تُساں نال دُشمٹی گرسی۔ 18 پر کوئی تُساں نا اک بال وی  
 دُنگا ناں کری سکسی۔ 19 آخر دم تک برداشت کرنے نی  
 وجہ تُوں تُساں ہمیشہ نی زندگی حاصل کری کہنسو۔“

### یروشلم شہر تباہ ہوئے نی پیشنگوئی

20 ”جیہڑے ویلے تُساں یروشلم شہر کی فوجاں نال  
 کہیرے آوا تکو، تے سمجھی جاؤ کہ اُس نی تباہی  
 ہوئے آلی آے۔ 21 اُس ویلے جیہڑا کوئی ریاست یہودیہ نے  
 علاقے وِچ ہووے، او جلدی جلدی پہاڑاں اپر نسی جائے۔  
 جیہڑا کوئی یروشلم شہر وِچ ہووے، او اُتھوں باہر نکلی  
 جائے۔ جیہڑا کوئی شہر تُوں باہر ہووے، او اندر جائے نی  
 کوشش ناں کرے۔ 22 کیئانکہ او دیہاڑے غنہگاراں کیسزا  
 دیتے نے دیہاڑے ہوسِٹ تانکہ کلام پاک نیاں ساریاں  
 گلاں پُوریاں ہون۔ 23 او ویلا اُنہاں جنائیاں واسطے کتنا  
 ہی مُشکل ہوسی جیہڑیاں حاملہ ہوسِٹ تے او جیہڑیاں

بچیاں کی دُدھ پلاٹے آلیاں ہوسن! کیئانکہ اُتھے بہوں ہی  
 مُصیبت ہوسی تے ساری قوم اپر غضب آیا ہوسی۔<sup>24</sup> دُشمن  
 بَعْضَاں کی تلواراں نال مارسن تے بَعْضَاں کی غلام  
 بٹائی کے دُویاں قوماں نے حوالے کری شوڑسن۔ غیر بنی  
 اسرائیلی یروشلم شہر اپر اُس ویلے تک قبضہ کری رخسن  
 جدوں تک اُنہاں نا مُقررہ وقت پُورا نا ہوئی جاسی۔“

### حضرت عیسیٰ نے مڑی کے اچھنے نیاں نشانیاں

<sup>25</sup> فر حضرت عیسیٰ آخیا، ”سُورج، چن تے تاریاں  
 وچ عجیب نشان دِسسن۔ دُنیا وچ لوکاں اپر سخت  
 پریشانی آئی وی ہوسی، کیئانکہ او سمندر تے اُس  
 نیاں لہراں نے شور تُوں ڈرے وے ہوسن۔<sup>26</sup> جیہڑے  
 ویلے لوکاں اپر ایئے جیاں مُصیبتاں ہوسن تے او خوف  
 زدہ ہوئی جاسن، کیئانکہ خلاء وچ اک ہلچل مچی  
 وی ہوسی۔<sup>27</sup> اُس ویلے لوک ابنِ انسان کی یعنی کہ  
 مکی بہوں ہی شان و شوکت تے بڑی قُدرت نال چہڑاں  
 وچوں اچھٹا تکسن۔<sup>28</sup> جیہڑے ویلے اے ساریاں گلاں

شروع ہونے سے اُس وقت قریب ہوسی۔“

## انجیر نے بوٹے نی مثال

<sup>29</sup> فر حضرت عیسیٰ اک مثال دیئی کے فرمایا، ”انجیر نے بوٹے سے ڈویا بوٹیاں پر غور کرو۔ <sup>30</sup> جس ویلے اُنہاں نے پتر نکلنے اُن سے اُس وقت قریب ہوسی۔“

کہ گرمی نا موسم اچھٹے آلا آے۔ <sup>31</sup> اسے طرح جیہڑے ویلے اُس وقت قریب ہوسی، تہ سمجھی جاؤ کہ بہوں جلدی ہی اللہ تعالیٰ نی بادشاہی اچھٹے آلی آے۔ <sup>32</sup> یاد رُخو، اِس زمانے سے لوکاں نے ختم ہونے کولوں پہلے اے ساریاں گلاں پُوریاں ہوسن۔ <sup>33</sup> زیمی سے آسمان مٹی جاسن، پر مہاڑیاں گلاں ہمیشہ تک قائم رَسن۔

## حضرت عیسیٰ نے اچھٹے سے ویلے واسطے تیار رہو

<sup>34</sup> اِس واسطے ہوشیار رہو، کُدرے اِسرح ناں ہووے کہ اُس وقت قریب ہوسی، نشہ بازی سے دُنیا نی فِکراں وچ غرق ہونے

جاؤ تے او دیہاڑا سرے اپر اچھی جائے۔<sup>35</sup> کیئانکہ او  
 دیہاڑا ساری دُنیا نے لوکاں اپر اچھسی۔<sup>36</sup> اِس واسطے ہر  
 وقت ہوشیار رہو تے دُعا مَنگئے رہو تانکہ اللہ تعالیٰ تُساں  
 کی انہاں ساریاں اچھئے آلیاں آفتاں کولوں بچائے، تے  
 تُساں ابنِ انسان یعنی کہ مہاڑے سامنے کھلی سکو۔“  
<sup>37</sup> انہاں دیہاڑیاں وچ حضرت عیسیٰ روزانہ دیہاڑی  
 ویلے بڑے عبادت خانے وچ لوکاں کی تعلیم دینے ہوئے  
 سُن تے راتی نا ویلا کوہِ زیتون اپر گزارئے ہوئے سُن۔  
<sup>38</sup> صُبح سَویرے ہی سارے لوک حضرت عیسیٰ نی تعلیم  
 سُننے واسطے بڑے عبادت خانے وچ اچھئے ہوئے سُن۔

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر  
کیتا۔ اسان نا دلی مقصد اے کہ اس پیغام کی پھیلا یا جائے۔  
اسان خوشی نال عیسیٰ المسیح نے بارے وچ تسان نال گل  
کرساں، یا تسان نال دُعا کرساں، یا تسان نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>